

Powšitkowne WOZJEWJENJA

njedźelu, 3. meje 2020

Wusyłanje Božich službow live

Serbskorěčnu Božu mšu tutu njedźelu, 3. meje, móža wěriwi znowa jako livestream w interneće sčehować. Dupołnja w 9 hodź. přenjese so wona z Budyskeje cyrkwy Našeje lubeje knjenje. Kemše změje tachantski farar Wito Sćapan. Z Ralbic wusyła so Boža mša we 8.30 hodź. tohorunja přez livestream, ale jeničce za słuchanje. Linkaj k wusyłanjomaj přez internet stej na stronje www.posol.de podatej. Štóz nima přistup k internetej, móže Božu mšu z Budyšina w samsnym času přez sćelak MDR-Serbski rozhłós přijimać. Zdobom je to posledni raz, zo w koronowej krizy so Boža mša paralelnje w Serbskim rozhłosu wusyła, sćelak na naprašowanje zdžěli. Po tym budže to jeničce jako livestream w interneće móžne, njedźelu, 10. meje, w 9 hodź. z Chrósćic.

Telefoniske poradźowanje

Hornjołužiski zwjazk Carity z.t. poskičuje w koronowej krizy telefoniske poradźowanje, ale tež prosće rozmołwy z tymi, kiž maja žadosć za tym, z někim so rozmołwjeć móc. Sobudželačerjo Carity su wot pónđzele do pjatka wot 8 do 16 hodź. pod telefonowym čisłom (0 35 91) 49 82 20, ale tež pod mailowej adresu beratung@caritas-oberlausitz.de docpějomi.

Z mnichami so modlić

Cistercienski klóšter w Nowej Cali poskičuje, so wšědnje z tamnišimi mnichami přez internet w 19.15 hodź. rózowc a po tym wot 19.45 hodź. komplet modlić. Link na stronu je pod www.posol.de podaty.